

# Noera 96

Noera (Mahana toru 25 no titema 1996)

Taioraa : Ruta Evaneria 2 :1-14

Irava : Ruta Evaneria 2 : 10

« *Eiaha e mataù, e parau maitai ta ù e hopoi mai ia outou nei, o te riro ia ei oàdaraa no te taata atoà.* »

**E**hoa here mā, la ora na tatou i te Aroha o te Atua. Teie ā tatou i teie matahiti i roto i te haamanāōraa i te parau no te fanauraa o te faaora o teie nei ao. I te tahi po aè nei, fatata i te 2000 matahiti te maoro, ua fā mai te tahi merahi i te tahi pupu tiai māmoē e ua parau mai ia ratou : «*Eiaha e mataù, e parau maitai ta ù e hopoi mai nei ia outou nei o te riro ia ei oàdaraa no te taata atoà.*»

I teie mahana teie atoà tatou i mua i teie parau e te manaō e vai nei, oia hoi, i mua i te mau faanahōraa atoà ta tatou e ite nei i teie tau, e tano ia tatou ia hiō ā i te parau no to tatou tiāraa i mua i te parau no teie ōroā, te Noera. No te taurururaa ia tatou i roto i teie ohipa, e tano ia tatou ia uiui e ; a tahi, no te aha te Noera, e te piti, eaha ta te Noera e āfai mai nei no ù ?

Teie huru uiraa e, «*No te aha ?*», e uiraa faufaa roa. E uiraa teie ta te mau tamarii e uiui pinepine noa nei. E tei uiui atoà hia e te mau āivanaa, ia hinaaro ratou ia maramarama i te tahi mau parau, e aore ia te tahi mau ohipa. No te aha i Noera ai ? No te aha «*te roto i riro mai ai ei taata*», e ua tiāhapa mai nei i o tatou nei ?

Te pahonōraa matamua i teie huru uiraa, No te mea o te hinaaro te reira o te Atua, mai tei parauhia e letu : «*Teie au, e ta ù Atua, te haere nei au e faatiā i to oe hinaaro*» (Hepera, 10.7). «*E aore ia i aroha mai te Atua i to te ao e ua tae roa i te horoā mai i ta na tamaiti fanau tahi ia ore ia pohe tei faaroo ia na, ia roaā ra te ora mure ore*» (Ioane, 3.16). E mau pahonōraa tano anāe teie mau pahonōraa, e te vai faahou atura te tahi mau parau tano maitai.

I roto i ta tatou irava, te matara ra te tahi vāhi i te na ōraa e «*E parau maitai ta ù e hopoi mai ia outou nei*». E ia tūāti mai teie parau i te irava i muri mai, te ite ra tatou i te huru no teie «*parau maitai*». Ua fanau te «*Ora no outou*».

E tiā atoà ia ia tatou ia parau e, teie atoà te tahi pahonōraa tano maitai no teie uiraa e «*No te aha te Noera*». Oia hoi, no te mea o te taime te reira i haapāpū ai te Atua na roto i te merahi e «*E faaora tei tae māi*». Mai te peu ua riro te mau parau i na roto mai i te mau perofeta o mutaa iho ra ei faaararaa noa i te nunaa, i teie taime eere noa atu ra i te faaararaa, te haapapu maitai nei rā te Atua e ua tupu mau te parau i tohuhia e te mau perofeta. E ere faahou i te moe-moeā, ua tupu iho nei rā te parau tei tohuhia. «*Ua riro mai te parau ei taata*», ia au ihoā i te mau parau i na mua mai. E hau roa atu i te reira ua tae roa mai te

ora i o tatou nei, terā te parau maitai ta te merahi i faaite mai i te mau tiai māmoē, e ia tatou nei i teie mahana. E te hopeā no teie «*Parau maitai*» ia au ihoā i te mau parau maitai atoā ia tae anāe mai i roto i to tatou mau tariā, e tupu ihoā ia te oāda, ia au ihoā mai ta te merahi e parau ra «*O tei riro ei oàdaraa no te taata atoà*».

Ei tūātiraā i teie mau uiuiraa matamua, e tiā atoā ia tatou ia ui e, Eaha atura te auraa no te ōroā Noera i roto i to tatou oraraa ? I teie mahana ?

Mai te peu e ua faaroo maitai tatou i te faaararaa parau a te merahi, eaha atura ia ta teie parau i faatupu i roto i to tatou oraraa ? Nahea tatou i te faatanōraa i teie parau i niā ia tatou ?

No te mea, ua pāpū ia tatou e, e parau faufaa roa teie no te Atua. E ohipa tumu teie na Na, e manaōnaōraa rahi roa teie; te faaararaa i te taata. Eaha ia ta tatou pahonōraa i teie huru i to te Atua?

Te parau no te ora, e horoā te reira na te Atua, e o te reira tei pūpūhia mai no tatou, e te Atua. Te toe noa ia tatou o te fariiraā ia i teie ora. E te tiāturi nei au e tei reira mau to tatou fifi rahi. Ua ite tatou e te vai ra te ora, aita rā tatou e hinaaro ra e rave mai.

Ua imi te Atua i te mau raveā atoā ia ite tatou i te «*Ora*», ua haere roa mai o ia iho i o tatou nei no te āfai i te ora, ia fanāo tatou e ia ite tatou i to na hinaaro faaōra. Te toe ia tatou o te faatorōraa ia i te rima no te rave mai i taua ora ra, o te haafatatarā atu ia i pihaiho ia na e te aniraa mā te haehaa, mai ta te vahine Tamaria ra o tei parau atu i te Fatu: «*E te Fatu, hō mai na i taua pape ra na ù, ia ore roa vau ia poihiā faahou*» (Ioane 4.15).

Te pāpū atoā ra ia ia tatou e, te tau no te Noera, o te tau atoā ia no te imiraa. Imiraa i teie ora o tei faataahia no tatou. Na roto i te āiū no Noera ua haafatata mai te Atua ia tatou. Na roto i ta Na Etaretia, ua iriti te Atua i te tahi ūputa ei reira tatou e maramarama ai i te auraa no to na hinaaro faaora. Eita tatou e ite oīdi i te huru o te tahi taata mai te peu eita tatou e haamatau ia na. O te ohipa ia e tupu i roto i te Etaretia, e ohipa āmui tatou, e āmui i roto i te mau faanahōraa āmui, ei reira tatou e ite ai eaha mau ta te Atua i faataa no tatou. Teie ora, eita e pau, e mou ia uī, e e mou ia uī. Ua faataahia e te Atua no te nahoā rahi, eere rā no te tahi noa pae, no te reira te reo no te merahi i parau ai e, «*O tei riro ia ei oaoaraa no te taata atoà*».

E au tatou mai te tahi taata tei ite e, e faufaa ta tatou e vai ra i te fare moni aita rā tatou e hinaaro ra e iriti mai. Mea hau

# Dossier



«... *Soyez sans crainte, car voici, je viens vous annoncer une Bonne Nouvelle, qui sera une grande joie pour tout le peuple.*» (Luc 2.10)

Face à tout ce que nous vivons aujourd'hui, il est important de savoir ce que Noël signifie pour nous. Pour cela, essayons de répondre à deux questions.

## - Pourquoi Noël ?

Parce que c'est la Volonté de Dieu. Dieu l'a voulu. Et comme dit l'ange dans notre verset : «... *Je viens vous annoncer une Bonne Nouvelle...*»

## - Que nous apporte Noël ?

Dieu dans son Amour, a tout mis en oeuvre, il a tout donné, et il s'est même donné (Noël) pour que nous ayons la vie dans sa plénitude.

Noël, c'est la Vie qui nous est offerte dans toute sa plénitude.

aè na tatou i te ora veve noa. O te reira atoā to tatou tūātiraā i niā i teie «*Parau maitai*», ua ite tatou, ua faaroo tatou, aita rā tatou e hinaaro ra e rave mai. Te tumu āita ia i pāpū maitai. E tano rā ia tatou i roto i teie ōroā Noera, ia feruri faahou i te faufaa rahi ta teie ōroā e faaitē mai nei ia tatou. Eiaha tatou ia parau i te tahi tau e, āita te Atua i tāuā mai ia ù.

Ua haere roa mai te Atua i ō tatou nei ma te huru taata e aita tatou i hinaaro i te fariī atu ia Na. Te haapāpū mai nei o loane ia tatou «*I haere mai nei o ia i o Na ihora, e āore to na iho taata i ite atu ia na*» (Ioane 1.11).

No reira na tatou e maiti, e faatoro tatou i to tatou mau rima no te haru mai i te faaora o teie nei ao, tei na roto mai i te «*Parau maitai*» i te haere mai no te faaite ia tatou i te «*Parau tiā*». I roto i te Etaretia e ite tatou i te Fatu, o taua Fatu ihoā ta te merahi i faaite i te mau tiai māmoē. Aita i tauī.

Ua faaite te merahi i te mau tiai māmoē i te vāhi tei reira te Fatu i te vairaa, e tiā atoā rā ia ratou ia haere roa e hiō. Oia atoā tatou, eita tatou e ravi i te faaroo noa raa, e tamata ra tatou i te farerei roa i te Fatu. Eiaha mā te tere roa atu i Peterehema, mā te hiō noa ra i pihai iho ia tatou iho. Te oraraa i te Noera Apī eere anei o te reira atoā te titauraa a te Atua ia tatou i teie tau no te lupiri ?

Ia ora na tatou i teie Noera.

Ralph Teinaore